

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 45. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), na prijedlog Kantonalne uprave civilne zaštite, Vlada Zeničko-dobojskog kantona, na 112. sjednici, održanoj dana 07.07.2021. godine, d o n o s i

O D L U K U

o odobravanju sredstava na ime pomoći Općini Žepče radi saniranja šteta nastalih prirodnim nepogodama

Član 1.

(Predmet)

Odobravaju se sredstva Općini Žepče za sanaciju klizišta i lokalnog puta u naseljenom mjestu Biljevina, Mjesna zajednica Željezno Polje i u Mjesnoj zajednici Tatarbudžak za saniranje šteta nakon prirodne nesreće koja se dogodila 2014. godine, kao i posljedica iz 2019. godine na području Općine Žepče u iznosu od 100.000,00 KM (slovima: stotinhiljada konvertibilnih maraka) iz sredstava Budžeta za 2021. godinu, na ime jednokratne novčane pomoći za sanaciju šteta nastalih tokom prirodnih nesreća poplava, klizišta i drugih prirodnih nepogoda.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320 (redovna budžetska sredstva).

Član 3.

(Uplata sredstava)

Sredstva iz člana 1. ove odluke uplatit će se na depozitni račun Općine, a koristit će se za namjene utvrđene u članu 1. ove odluke.

Član 4.

(Regulisanje međusobnih prava i izvještavanje)

(1) Zadužuje se Kantonalna uprava civilne zaštite da izvrši potpisivanje Sporazuma sa Općinom Žepče kojim će se regulisati međusobna prava i obaveze između Uprave i Nosioca za sufinansiranje projekata.

(2) Zadužuju se Općina Žepče da izvještaj o utrošku odobrenih sredstava iz člana 1. ove odluke dostave u roku od 120 dana od potpisivanja Sporazuma Kantonalnoj upravi civilne zaštite.

Član 5.

(Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9626/21

Datum, 07.07.2021. godine

Zenica

PREMIJER

Mirnes Bašić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Općina Žepče, putem Kantonalne uprave civilne zaštite,

1x „Službene novine Zeničko-dobojskog kantona“,

1x a/a.